



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Sacristia, & supellectile Ecclesiæ simplicis, & oratorij, ubi Mißa
celebratur.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

11 Reliquarum etiam partium forma, & ratio, quæ ad Oratorium pertinere possunt, sumenda ex ijs, quæ præscripta sunt in Ecclesiæ fabrica.

12 Oratoriorum autem ædificationem, aut usum; nè faciliè, sed magna de causâ permittant ijdem Episcopi.

1. Quæ pert. ad celeb. Missæ.

In eis autem designandis, vel probandis, hæc seruent.

13 Nè sint in interiorum ædium partibus, in quibus domini, vel familia frequentius versentur; sed commodo, & honesto loco, à cubiculis, triclinijs, & ab aula separato, ad templi formam, & regulam propius accedant.


14 Nè ita angusta sint, vt, qui Missam audierint, ad ostium, aut fenestram stare cogantur; aut denique ibi sacris interesse, vbi promiscuè profanum aliquod exerceatur; quod fieri omninò prohibemus.

15 Cui autem id permissum fuerit, is eo rarius vtatur; nè distracti homines ab illa comoditate, Ecclesiam Dei minus frequentent; quod exemplo etiam noceat alijs.

De Sacristia, & Supellectile Ecclesiæ simplicis, & Oratorii, vbi Missa celebratur.

S V M M A R I V M.

- 1 Sacristia Ecclesiæ simplicis, & Oratorijs qualis, quæque habeat.
- 2 Supellex ad ornatum Altaris, & usum celebrationis Missarum quæ, qualis, & quotuplex.
- 3 Quæ alia supellex, quæ tabellæ, quæ libri, quæque vasa, & instrumenta.

1 acristia hæc ædificetur instar aliarum, de quibus Tit. de Sacristia Cathedralis, Collegiatæ, & Parochialis Ecclesiæ enarratum est: ampla tamen solummodò pro Oratorijs, & Ecclesiæ magnitudine, vt etiam proximo superiori tit. nu. 8. tactum est. Quæ autem habeat, vide eundem Tit. de Sacristia Cathedralis.

2 In Ecclesijs simplicibus, & Oratorijs, vbi Missæ sacrum aliquando fit, vnicuique Altari, non solum maiori, verùm etiam minori, si quod in ijs est, appareatur, atque sit supellex suprâ præscripta vsui Altaris minoris in Basilica Cathedrali. Vide tit. de Supellectile Altaris minoris in Cathedrali, &c. Inst. sup. Eccl. li. 2. c. 4.

Tum

3 *Tūm præterea hæc, quæ ordine infra notata est.*
Vas vsui abstersionis calicum, patenarum, & lauationis corporalium,
ac purificatoriorum.

*Mantilia longiora, quattuor, apud labrum lauationis manuum ap-
 pendenda.*

*Mappæ duæ, ad vsū Altaris Sacristiæ, seu Armarij, apud quod Sa-
 cerdos sacras vestes induit.*

Tapetum, seu clathra lignea, vbi Sacerdos sacras vestes induit.

Tabella sacrarum Reliquiarum in ea Ecclesia reconditarum.

Tabella item de Indulgentijs eidem Ecclesiæ perpetuò concessis.

Tabella orationū: quibus preparatorijs vtitur Sacerdos celebraturus.

Tabella orationum, ad vsū Sacerdotis, sacras vestes induentis.

Tabella de Missis, Funeralibus, Commemorationibus, & alijs officijs.

*Tabella colorum: qui in sacris indumentis pro ritu officij singulis die-
 bus adhibentur.*

*Liber Missarum: in quo scilicet vnusquisque Sacerdos sua manu notat,
 & scribat, qui in singulos dies Missæ sacrum fecerit.*

Liber de cerimonijs Missæ.

Liber harum Instructionum.

Vas olearium maius, pro oleo lampadis.

Vas minus itidem ad vsū infundendi olei in lampadem.

*Infundibulum, & vas olei, è vase maiusculo excipiendi; rursumque in
 alterum minusculum infundendi vsū.*

Scopulæ paruulæ ex cannulis palustribus.

Perticæ, bastiliauè.

De Oratorijs, in quibus Missa non celebratur.

S V M M A R I V M.

- 1 *Oratoria, in quibus Missa non celebratur, vbi, & qua forma edi-
 canda.*
- 2 *Altare non habeant.*
- 3 *Fenestellas quot habeant, & vbi conficiendæ.*
- 4 *Vtque oratoria claudenda.*
- 5 *Clavis à quo retinenda.*
- 6 *Oratoria angusta, vt sepienda.*
- 7 *Quæ ab eis remouenda.*
- 8 *Imagines in exteriori eorum pariete non pingendæ.*